

更生齋詩餘卷一

冰天雪窖詞

主人少喜填詞。壯歲後。恐妨學。輟不復作。卽偶一爲之。終歲不過一二首。歲戊午。自京邸乞假回。車箱無事。輒填至數十闕。及自塞外回里。亦時時作之。遂滿一卷。名曰冰天雪窖。從其後言之也。少日所作。亦不忍棄。并裁作一卷附焉。機聲燈影詞是矣。

臨江仙

綠鬢學仙愁已晚。卽今況復蒼顏。天空鳥去不曾還。未知雙蠟屐。再入幾名山。半世著書難得了。硯臺肯放清閒。酒人相約掩蓬關。臉從花索笑。心與石爭頑。

憶王孫

涼風吹綻一天星。約伴時時過水亭。說鬼宵深不可聽。掩疎屏。小婢齊聲唄佛經。過汀故說愛新涼。躲過前頭姊妹行。私語喃喃已不妨。卻提防。移得鸚哥出畫廊。兩重門內忽相逢。一串花香出袖濃。剛賭秋千氣力慵。且從容。眼角回青頰轉紅。傷春長自下簾鉤。杏葉扶疎柳葉柔。三月花前雨不休。沒來由。私語催人上小樓。

滿江紅陳其年先生填詞圖爲伯恭學士賦

卅載填詞。香一瓣。敬酬陽羨。可可是。家山百里。畫中頻見。前曾見先生四十畫像涉筆偶描秋士影。關情別有春風。

面笑青衫。五十尚沉淪。工排遣。將擬笛。先施鞵。乍展卷。仍安硯。仗卿卿。歷盡等閒。斂細。別夜最憐天似水。當頭吹落。雲成片。算個儂。風味有誰覓。梁閒燕。

試問熙朝。人物在。宋元之右。只己未。宏詞一榜。尤稱淵藪。前輩愛才真似命。昇平樂事吾能究。趁閒來。歌板兩三聲。消清晝。竹垞老。梅村叟。招玉叔。攜紅友。且不知秦七。何論黃九。翫几暫停三寸管。新腔已落千人口。羨當年。風月最清華。誰能又。

雙調江城子紅豆詞爲禮親王世子作

深秋門巷動涼颼。掩關遲。雨如絲。折得一枝紅豆。立多時。天上亦添新別恨。人不見。渺相思。拈來枝葉影參差。意誰知。酒難辭。且與梁園賓客。譜離詞。只有文園消渴甚。賦不到。九秋枝。

十六字令初冬

風。一夜千林葉墮空。開軒望。斜月正中峯。

減字木蘭花

香濃月淡。幾朵露蘭光欲泛。行過房櫺。福橘裁燈墮小紅。茶甌清冽。留得那年元夜雪。說夢聲低。偏惹

簾前鸚鵡疑。

唐多令

真氣本無前。豪情忽欲顛。一百番、沉醉酣眠。亂摘九天星與斗。權當作、酒家錢。寥廓約頑仙。踏紅雲種田。待秋成歲月三千。擬釣六鯨滄海去。雖不飽。且烹鮮。

眼兒嬌

杏花樓上杏花香。無語斷人腸。干他甚事。鶯鶯燕燕。咒盡年光。依然簾幕依然鏡。依舊隱斜陽。如今再要當時人面。卻費商量。

又

嵌心百事總難忘。閒處一端詳。鮑姑紈扇。柳娘羅襪。謝姊繚裳。愁多不合住江鄉。夢少也千場。笙歌元夕。鶯花上巳。簫鼓端陽。

轉應曲

雷鼓雷鼓。打過春三四五。還虧列闕豐隆。催得前村挂龍。龍挂。龍挂。一幅水鄉圖畫。蝶戀花時欲乞假。南回。書示子弟。

十二闌干紅半曲。桃杏將開。一雨先舒萼。多分散人真有福。半春好夢無重複。卅里迢迢煙艸綠。欲望

江南遠樹偏遮目，好水好山生計足。汝曹莫恨歸期促。

賣花聲春分

艸綠未成茵，柳線難勻。等閑鶯語幾曾聞。只讓杏花同燕子，占盡春分。心切望朝暉，霧暗連晨。關心西北有征塵。日日玉堂天上坐，卻是閒人。

謁金門

誰決策，除是劉琨祖述。一事差堪贏越石。承平非狎客。又手巡行今夕。放眼追思疇昔。好友緣儒都入墨。寥寥心孰白。

相見歡

黃昏獨下珠簾。病懨懨。羞喜眉頭常苦。夢常甜。三叉渡。三生路。白雲尖。愴悅長林斜月，影纖纖。

鳳棲梧

畢竟春來饒氣勢。萬鳥啼春。萬夢隨春至。惹得玉梅添意智。花開又豈干春事。白袷春衫閒已製。輕暖輕寒。春轉無倫次。何是與秋非一致。春人只把情懷試。

滿江紅譚子受英雄兒女圖

大纛高牙。問此是誰家年少。只亘亘、倚天長劍。勢將離鞘。千里偶追流電影。萬金願買傾城笑。算渠儂、二

十五年前。堪同調。且緩緩。金樽倒。更艸艸。離愁攪。看車前。努力。急思投効。兒女情懷。何者是。丈夫志業。誰能料。問卿卿。何日定天山。紅旗報。

菩薩蠻

玉皇宮殿高無極。東西龍虎更番直。天上事偏多。仙人鬢亦皤。麻姑空一笑。偶自舒長爪。搯破碧桃花。花光照萬家。

減蘭寄舍弟

吾家阿弟。先我一年辭帝里。玉版銀鱗。飽啖江南二月春。小桃開落。穩坐卷施東畔。閑。應念衰翁。騎馬朝朝冒朔風。

應天長直廬卽事

構巢招得雙鷓鴣。激水養成千屬玉。長林麓。橫溪曲。卻向此中開竹屋。閑官殊不俗。所喜更無拘束。昨賜萬條官燭。寫三朝要錄。

江南好時將乞假南回作此寄里中親舊

鄉園夢。昨已到雲溪。生小樓臺三徧換。柳邊門巷亦全非。新絲浸簾衣。

鄉園夢。昨已到花橋。對舫乍憐詩社歇。陸祁生每與丁叔候兄弟及隔河添得酒旗飄。燈火徹清宵。

鄉園夢。昨到棹舟亭。小港蓄魚橋半圯。荒庵燒笱戶全扃。僧老厭繙經。

鄉園夢。昨到放生池。煙柳綠交楊令宅。楊大令西河宅在池側。水雲碧卷謝家祠。清景待題詩。

鄉園夢。昨到驛樓前。障眼市塵高百尺。關心鄉語別經年。真個說歸田。

鄉園夢。昨到石橋村。高隼欲盤雲外塔。神魚時拜竹間墳。松子積臺門。

鄉園夢。阿弟屢邀呼。新築水亭招社燕。別營山冢葬童烏。猶子明男近廢。作達且提壺。

鄉園夢。好友遞將迎。木杪軒中搜逸句。竹初庵內證長生。奇論尙縱橫。

鄉園夢。外舍最依依。榆莢綠迷穿徑水。薺薇紅隱上樓梯。花發子規啼。

鄉園夢。羣從亦翩翩。坐我小樓敲句好。輸卿長日枕書眠。屋外水周天。

前調 擬江南境作

江南地。一碧已無塵。小市雨晴初試馬。長隄星暗乍逢人。猶剩一分春。

江南月。不厭徹宵看。無奈乍圓還乍缺。未妨輕暖與輕寒。長凭玉闌干。

江南岸。屈曲漾蘭橈。舊事乍思情漠漠。夜程初急雨瀟瀟。已過驛西橋。

江南艇。鷓鴣與同飛。待得柳梢殘月出。水禽蹤跡已全迷。留得夜烏啼。

江南屋。低小只如船。一樹石榴初吐豔。四更銀燭尙高然。隱隱笛聲穿。

江南路。從此遂幽尋。韓偓豔詞容寄意。陽城下考亦甘心。別念撫孤琴。
江南夢。日昨已全醒。黃卷誤人頭欲白。綠楊窺客眼猶青。關小戶仍扃。
江南客。天末溯歸蹤。漁唱便須蘆笛和。芰衣仍待柳絲縫。鳴鷺且從容。
江南侶。說著已銷魂。松柏徑中尋舊友。鶴鴿原上指新墳。尤歎此衰門。
江南節。屈指已天中。絲柳乍青蒲葉綠。楊梅初紫杏丸紅。水淺試雙龍。
虞美人

黃昏獨坐闌干左。竹葉深深鎖。橫陳玉體見何曾。知道紅窗六月。不燒燈。
卻無聊。長自睡。蒼騰。懊惱一鉤殘月。鬢邊升。夢中嗔語愁人覺。小婢都辭

江城子

生疎廊屋幾曾經。意恹恹。步伶仃。偏是半邊團扇。有流螢。縱向曲闌深處躲。防照見。一星星。
紅闌干外路三千。病恹恹。說當年。贏得半生憔悴。半生眠。只有畫籠鸚鵡好。渾不記。有從前。
采桑子

別來已覺無情緒。放了風箏。過了清明。總向閒門冷巷行。何時約略三春夢。多比流螢。少比疎星。春睡
蒼騰白晝醒。

轉應曲

天上。天上。誰把兩丸安放。東西滄海漫漫。出沒真如轉丸。九轉。九轉。天也有時不管。
明鏡。明鏡。看了有時仍聽。吉祥善事多般。頓覺愁顏喜歡。歡喜。歡喜。儂與鏡兒知己。
春夢。春夢。誰向小窗分透。夢中說夢尤疑。身外分身絕奇。奇絕。奇絕。魂共燭花凝結。
千里。千里。只在離人足底。別來吳苑花香。又復燕臺夜涼。涼夜。涼夜。酒薄衾單多謝。

虞美人

人人愛說芳菲節。更愛團圓月。箇儂心事獨嬌憨。卻喜花看春半、月初三。
長安道上金貂集。青紫容人拾。到來生怕說頭銜。只戀年時憔悴、舊青衫。

昭君怨

原是一般年紀。可算他作弟。記得小名無。衆中呼。
入夜畫樓先鎖。百計要將人躲。何意學生疎。上頭初。

柳梢青

纔踏千秋。又邀門艸。且漫藏鉤。衆裏聰明。箇中機警。格外溫柔。
日斜剛下粧樓。招女伴、更番出遊。鳳尾墩邊。鴨毛洲上。龍嘴灘頭。

西江月

夢裏鶯花繚繞。愁中風雨廉纖。一般時節症懨懨。起對燭花呵欠。小膽疑聞鬼語。細心時卜神籤。病兒生怕不增添。百計把人排陷。

減字木蘭花

乍談心曲。何事小名呼小玉。彈指年華。未比梅花比杏花。最憐同調。八字果然生剋肖。判與他生。自有麻姑肯玉成。

蝶戀花

閒日偶從妝閣偵。閒說鶯鴻。險被袁宗聘。私語又防人竊聽。團圓只指隨身鏡。情短情長何自定。除了今生。更把來生訂。一晌遲疑還未應。喃喃只說心腸硬。

醉相思贈俠士

日晚黃塵都似織。徙倚徧樓南北。便四海無家歸未得。一劍也。千金直。一騎也。千金直。恥向人前稱羽客。況肯談天釋。任醉眼昏昏青轉白。天上也。誰相識。地上也。誰相識。

醉春風

好把春衣換。更舉離觴勸。眼前誰可寄相思。算算。算指上先掄。心頭久嵌。口中難喚。合是人天眷。莫更

情懷亂。個儂只怕太酸寒。看看爾許年華。這回風格。那般詞翰。

羅敷媚

年來情事誰能識。神也瞞他。佛也瞞他。小婢依微道着些。無端兩地難牽合。心在誰家。身在誰家。夢裏時愁去路賒。

又

秋千架下分頭走。姊住東谿。妹住西谿。只望秋千影不迷。更闌重到秋千下。月也低迷。露也低迷。畫索斜拋烏夜啼。

長相思

風蕭蕭。雨蕭蕭。窗裏無人響玉簫。紗燈壁上搖。夢無聊。醒無聊。窗外荷珠落亂跳。游魚蹴浪高。

木蘭花慢

秋夜重聽圍風書
序示前二振三

只團飄書屋。仍一片。挂斜陽。算香已摧紅。蘭先殞紫。桂尙扞黃。悵悵那邊門巷。歎簾衣何短。艸何長。百偏欲尋歸燕。幾番試問寒蟄。十年羣從半淪亡。頭白剩蕭郎。縱見了桃根。尋他菱角。也費猜詳。平時枕書眠處。是何人重與擺繩床。酒醒佛燈藏幔。夢回鬼語沿廊。

又太湖縱眺

眼中何所有，三萬頃。太湖寬。縱蛟虎縱橫。龍魚出沒。也把綸竿。林威丈人何在。約空中同凭玉闌干。薄醉
正愁消渴。洞庭山橘都酸。更殘。異霧杳漫漫。激電閃流丸。有上界神仙。乘風來往。問我平安。思量要栽
黃竹。只平鋪海水幾時乾。歸路欲尋鐵甕。望中陡落銀盤。
念奴嬌 生日東西家

半秋纔過。不多時。到了初三新月。八字雙飛。胡蝶好。生與菊花同日。剛欲題糕。仍邀說餅。且把書聲歇。齊
肩齊歲。那人先占佳節。猶記七夕樓頭。穿鍼簾底。腰瘦頻頻折。知道個儂勤頂禮。偏喚小名何必笑。嚙
方開。愁眉更斂。梁燕防饒舌。燈花解事。雙雙紅蕊偷結。
菩薩蠻 贈俠客

偶然來預朱門宴。身輕只比梁閒燕。霧地出人頭。燈前尚閃眸。一腔填恨血。匕首懷中熱。座客酒遲乾。
先防冷眼看。

木蘭花慢

己未中秋內城
南池寓舍作

歎八年此夜。移八處。看陰晴。算幾載持衡。兩番入直。一度歸耕。西風欲催人老。趁乍寒。刮得鬢星星。已被
月中人笑。從今莫更多情。依然薄醉擁桃笙。如水玉階平。只三十年前。境難依約。夢不分明。沉思那回
塵劫。把深杯都向夜臺傾。一例碧虛解事。半宵霞采橫生。

臨江仙蘇軾高宗純皇帝賀錄第一分
進呈擬欲乞假南下偶此杏事

人說綠簑青笠好，可容仍殿朝班。玉堂官燭影闌珊。昨朝書已奏，明日棹當還。天上樓臺曾小住，明湖如帶回環。夜涼偏欲夢鄉關。屋前雙疊港，屋後一堆山。

琴調相思引歸燕

一樣樓臺夕照昏，杳無心緒入朱門。欲飛還止，銜得舊時恩。差喜故巢同海上，好春仍得話溫存。倘逢精衛，可許代招魂。

減字木蘭花

夜涼人定，正好明心同見性。一縷茶煙，透到梅花小閣邊。休休莫莫，夢好正嫌無着落。與我周旋。莫鬥眉梢眼角禪。

滿江紅贈崔三瘦生

十八年前，相見在謝家庭院。驚一揖，玉梅花底，與花同顫。葛塢東，西山水窟，劉綱夫婦神仙眷。便匆匆，官向湖頭，湖冰泮。茗雪上，頻開讎。荆郢路，頻傳箭。只悠悠七載，幾曾謀面。蔥嶺南頭時入夢，蒜山北下仍相見。歎人生聚散總無端，空中電。

昭君怨青雨

窗隙與誰同坐。咒雨鴛鴦兩箇。兜起卅年愁。舊南樓。暫向曲屏高臥。夢又把人顛簸。睡覺燈青影伶仃。

滿庭芳

雨窗簡齋
振三昆仲

撇卻千山。行完萬水。偶來茅屋勾留。又教聽雨。日日捲簾鉤。畢竟誰人過訪。三兩客、兼雜鳴鳩。門扃響。奴隸執親爲點茶甌。颺颺風乍急。紙窗搖動。無異扁舟。擬乘流徑去。隨分清遊。東海波臣尚笑。曾見汝。大漠西頭。祁連冢。何時築就。埋骨此荒丘。

念奴嬌

元夕醉中復至
城東慈雲宮樓

餘生何意。孽蠻戕重寫孝侯風土。醉我百杯元夕酒。更聽一堂簫鼓。我醉還歌。歌仍引滿。說盡邊亭苦。妻孥雨泣。昨年投畀豺虎。殘夜出戶閒行。城門東去。彌望多平楚。一領綠簑收拾好。恰稱瀟湖漁父。踏曲歸來。兒童指我。眉目皆飛舞。爲言此客。與樓與月千古。

前調

錢竹初松
菊猶存院

十年歸計。只剛剛、長就滿籬松菊。買得半園工位置。儘可賞心娛目。忽悟浮生。因求大藥。并禮西天竺。頭自望。髣髴毛銳裏先禿。差幸福食祈年。迷途未遠。未路仍堪贖。莫待扁盧俱束手。醫雅難于醫俗。一逕香清。一簾花好。一味茶初熟。這回休誤。白駒頭上行速。

因而自省笑先生，曷不工于貴。已萬里歸來行樂好，何以埋頭不起。幾尺牙籤，三分燈影，一寸書堆，几蠹魚規客。先生今盍休矣。倘冀後世名乎。三唐兩漢，試問誰堪擬。況是傳人皆有命，不朽古來能幾。文仿淵雲，經研鄭賈，詩筆還蘇李。君應諒我，愚公愚更無比。

沁園春 喜趙味辛乞假歸里卽送之

青州司馬新任依原調二首

司馬江州從事，青州頭銜若斯。款機庭綸閣，鳳池遽奪，治中別駕，驥足安施。竿上綠魚，磨中旋蟻，可是先生宦興詩。呼驢問，儘才堪令僕，汝好爲之。雖然樂已難支，只白髮高堂健飯時。算阿奴碌碌，無慙令弟，深源咄咄，尙有佳兒。跨鳳清才，乘鸞仙客，君諸壻皆有名，都唱微雲山抹詞。掀髯笑，趁唐灣風月，且倒金卮。

三十年前稱詩少年，惟君不狂，看元卿三徑，招邀二仲。謂黃仲則左仲甫，宏農別館，款接他楊。楊介社翁之元之，陰故以他楊例之。陌上班駝，堤邊畫舫，新樣蠻箋古錦囊。今消歇，已半登鬼錄，半下名場。別來萬里投荒，幸絕域初歸，鬢乍蒼。便依然花鳥，何時索笑。依然樓閣，何地傾觴。蔥嶺煙雲，祁連冰雪，夢裏都憐徹。骨涼君，我是愁多易老，恩重難償。

金縷曲 題萬大令廉山請纓圖作于大令今年十五時後二十年

天令隨畢秋帆尙書姜杜香侍郎卹辰州紅苗最著勞績

此客真先識，趁升平，時時留覽。九邊阨塞，試問請纓何太早。髮正垂垂覆額。天下事，引爲己責。手理輶鈴，仍躍馬，果湖湘，陡建非常績。勳勒徧，壺頭石。丈夫自信饒奇策，況生平，服膺所在。劉琨祖逖，如許少年。

能十輩。分置楚南川。北談笑盡。荏苒之澤。只我感恩思。効死便歸耕。尚枕投荒戟。隨爾去。殺殘賊。

鷓鴣天

秋杪雲溪曉望

谿光未是廿年先。一樣闌干到眼前。風急萬鴉爭古木。露寒獨鶴舞長天。情漠漠。淚綿綿。舊家仍倚白雲邊。尋春去問堂前柳。破夢來穿渡口煙。

滿江紅中秋夕雨

窮海歸來。正盼望。此年此夜。遠準擬。半宵燈市。半宵水榭。三徑久甍風伯掃。萬錢欲向天公借。更持螯。左手右持盃。人閒暇。雲驟暗。重籬罅。雷驟起。層檐下。忽蕭蕭瑟瑟。瓦溝如瀉。移樹鶻驚巢乍圮。走橋人懶。粧先卸。歎街泥滑處約良朋。擘多謝。

西江月

九月初七日雨窗遣悶

門外愁霖似潑。帳中清淚同揮。一年多事上心來。不飲已防先醉。明歲重陽何處。去年此夕方歸。人言死別復生回。今日正當周歲。

鵲橋仙

日斜時候。日斜年紀。又是日斜風味。斷腸言語不須多。況正值、斷腸天氣。前宵牢記。昨宵牢記。此夜更須牢記。半生最怕說銷魂。敢再到、銷魂田地。

江城子

柳絲南北罩通津。水波勻。月痕新。卻到晏公祠畔，暫逡巡。偏是畫船紅燭影，頻照見，夢中身。

又

播錢堂上記還真。是穠春。是花晨。依約別來如影，復如塵。安得學他雙燕子，來與去，不隨人。

壺中天

和女史歸佩珊詩，即寄令叔方伯伊琴。

從天試問，恁詞華，只付掃眉才子。百歲含愁容易過，經得幾番彈指。未盡名心，先拋世味，且復營書史。回看海水，比來清淺如此。猶憶絕塞歸來，君家癡叔，憔悴何能死。寥落雁鴻千萬里，憑寄阿兄數紙。并說中閨，尤憐嬌女，詩思清如水。比來相見，怪他風味都似。

又贈僧鐵舟

浮生如夢，記恩恩，瀟瀟城邊小別。石爛海枯重握手，相對各驚華髮。瓶鉢隨身，才名蓋世，詩畫書三絕。鋼經百鍊，鐵舟果否如鐵。今日短簿祠前，長洲苑外，客路將鋪雪。一領袈裟渾欲破，賣字依然得活。極目天南，關心鄉國，鞞鼓聲纒歇。何時飛渡，醉眠黃鶴樓月。僧淡陽人。

浣溪紗

病後般般總率真。見時故故不溫存。已教銷盡昨宵魂。開士心情居退院，美人顏色賦長門。年來偏重

過時人。

鷓鴣天

百罰深杯總不辭。忽從酒半透微詞。前房阿母都瞞卻。只許青溪小妹知。重攪鏡。更添衣。衆中偏覺語支離。不知天上頻攜手。故說人閒會面稀。

臨江仙 六月二十日詣學宮觀禱

憶向校官稱弟子。春秋祀屢追陪。仲丁六十又三回。舊題名已暗。明倫堂有進士舉親爲拂塵埃。尋偏

講堂兼學舍。兩株列栢誰栽。尊經高閣暫時開。青衫皆後進。紫燕亦新來。

浪淘沙 壬戌中秋夜起望月

纔歇雨冥濛。月甚朦朧。玉堦處處有吟蟲。咫尺好山都不見。說是秋中。少壯去如風。老尙飄蓬。別家還

喜住江東。金粟玉簪開已徧。閒卻簾櫳。含問觀事個多此二花。

蘇幕遮 醉題焦山

屋禪關。樓法界。十切高臺。更能危樓外。奇氣尙能除百怪。穩坐蒲團。且受江豚拜。舉杯遲。吟句快。乞篆

題。總仗孤僧介。一日已償詩畫債。興來不學前人派。

瀟湘夜雨 汪秀才次玉屬題夜意圖時余悼

悟徹前因。銷磨塵劫。又來樓上孤眠。微黃燈影。鏡臺偏。聲慘慘。寺鐘初動。光黯黯。籠幕斜寒。無聊境。我方
匝月。君已三年。兩愁相校。望夫山外。愁更堪憐。只投荒歸日。病正纏綿。渾欲訴金戈鐵馬。念誰禁。激管
哀絃。忘情好。他時同穴。百歲鐘隨肩。

八聲甘州夢亡婦

向空房盡處。瓦燈昏。缺月影橫陳。算傷離感逝。殘冬既爾。何況經春。打疊半牀衾枕。時爲拂纖塵。奩鏡都
安好。與照歸魂。畢竟瞞卿何事。只夜臺相值。問尙殷勤。歎襄王孤館。久已斷行雲。想闌干。東西十二。便
夢回。總欲一周巡。梅花句。從今不賦。防要合羣。

前調常熟訪吳祠
鄧竹橋賦贈

又匆匆扶醉入山城。雪意釀寒更。算玉芝室朽。赤厓閣圮。紅豆莊傾。今日劍門吾谷。都已屬先生。壓徧江
南北。壇坵嶂嶺。小弟頭銜一品。但才名豔絕。似遜難兄。羨盈門弟子。分日鬥心兵。更傳聞。量才尺好。隔
絳帷。親授與雲英。憑誰有平生奇福。來入詩盟。

小重山

夢不分。明醒可憐。小樓簾半卷。月初弦。喘聲低緩。髻斜偏。脫屣坐。誤認卜金錢。衾薄忍添綿。舊曾揮淚
處。錦仍鮮。擁來都恨夜如年。無眠客。今轉羨長眠。

如夢分十三日侵曉過得浪湖

龍氣出波冉冉。鴻濤鷺絲皆閃。海日未升時。幾片斷霞如斬。休喊。休喊。驚破一羣鷓鴣。剩得曉星數顆。芒角出同諫果。尙未破天光。水碧盡將魚裹。孤坐。孤坐。千尺浪中一我。

菩薩蠻十四夜過南神窠

高高下下游鱗繞。侵人不已侵巢鳥。一碧作魚天。空明不起煙。東西樓似織。出水高千尺。玉手盡垂空。長廊接斷虹。

減字木蘭花十五日五鼓過平望湖

偶開窗扇。破曙鶻聲波上亂。百頃湖光。捲上先生六尺牀。雪花難集。倔強水蟲多不墊。落月團圓。東海魚龍尙愛看。

昭君怨吳江道中夜行

惹得夜鳥難住。萬點鬼燐穿樹。似復有人行。散如星。鷓鴣鷺絲屬玉。齊傍水仙祠宿。宵半忽爭鳴。學巡更。

清平樂湖中迷道

風風雨雨且向前湖去。欲問來船船不遇。進退總愁無據。忽然香氣縱橫。半空舉手將迎。岳瀆貴神抗

禮算來只有書生。

浣溪紗萬頃橋。

萬頃湖頭萬頃橋。雨簑煙柳共飄搖。水從天外綠周遭。宿火照將鴻雁暝。曉霞烘得鷺絲驕。是誰來伴

客無聊。

鳳棲梧戊子秋杪至陳山赴邵先生荀慈之喪時亮吉結禱甫三日今復以事來遊則距悼亡日甚近也感而賦此

憶昔來遊才合羣。新婦三朝。尙向紗帷隱。小別乍歸爲整鬢。對人言語尤奇窘。三十三年真轉瞬。未比

松筠。早向深秋殞。紅豆莊前紅淚隕。回途魂已銷將盡。

虞美人寶帶橋。

蒲帆過盡危橋百。徑縱無千尺。便將蟬螻屈成梁。只惜都無寶帶一般長。泠泠橋外光如電。雲朵裁成

片。頃傳三萬六千寬。聞說真仙不穀。放漁竿。

憶秦娥殘冬甚暖夏蟲並出感而賦此

羊裘熱營營。案上蠅聲出。蠅聲出。醉螿當漉。凍魚須徹。煤通藥債都應逼。商量艸艸營除夕。營除夕。年

年共命。此年獨活。

清平樂孫解元子潘屬題雙紅豆夢子

夢回永晝滿地春光。皺半領綠衫。花氣透。胡蝶趁香來嗅。文窗特與丁寧。東風格外垂青。欲配一雙紅豆。除非天上雙星。

浪淘沙

夢入小紅屏。露瀉簾衣。鏡奩殘月影微微。偏是獨眠人帳外。胡蝶雙飛。小膽更多疑。怕踏層梯。畫屏深處認依稀。七尺紫檀香案上。誰共扶乚。

前調

斜照鬼門關。落日繆環。夜臺可有望夫山。生怕瘦魂扶不上。添箇紅闌。推枕漏初殘。朱淚斑斑。寒宵何止夢能還。地下若無埋恨處。仍到人間。

十六字令

拚歷徧長廊耐曉寒。梅花瘦。不厭百回看。聽一雁寥寥下遠汀。荒寒境。月黑鬼燈青。休斷送春人不上樓。三更夢。和月挂簾鉤。遲已是踈鐘報曉時。山禽影。款款落高枝。念奴嬌未至常熱四十里值大風雨

三更向盡忽驚呼。飛去蓋頭竹笠。鐵馬金戈聲乍沸。波峭半篙難入。絕壑魚龍。陰崖神鬼。空處通呼吸。推蓬起望。一湖湖水全立。只有卅里遙程。前舟頗簸。側捨回須急。病羽樓頭。秋蟲砌下。纔復商量。愁人無寐。殘宵短夢千摺。

水調歌頭

自吳江常熟回舟欲至婁上作

性既不談釋。又不學神仙。半生纔一彈指。何苦慕長年。卿自埋憂地下。我欲寄愁天上。索醉向雲間。自有十洲客。供我八方錢。胥江口。雪溪畔。尙湖邊。回頭三十三載。舊事散如煙。昔日蘆簾紙開。今日梅花紙帳。清冷耐孤眠。短夢乍回處。殘月影床前。

前調

偶厭玉虛住。屈作世閒人。人生誰最快意。良夜與良辰。我欲花開地下。更使水流天上。耳目一番新。倘荷化工尤。寧懼俗流噴。又誰願。朝列闕。叩羣真。百年三萬多日。臥足幾回伸。九野分鋪列宿。五岳填平四海。從此罷揚塵。萬事等閒耳。無鬼亦無神。

點絳脣

題折枝圖贈友

遠恨新愁。半春已覺難消受。海棠花瘦。鴿鴦雙雙兒。十二紅闌。春氣應全透。關心否。鶯前燕後。定有人垂手。

賣花聲過三叉河
臨練塘僧

湖樣亦如瓜。淺泊江沙。二分月已透窗紗。留得雪泥鴻爪影。都爲梅花。稍遠市樓譁。港到三叉山僧親

爲煮山茶白髮一翁忘世久與證年華。

浣溪紗梨花和金
山秀才

一棹春游蘇小家。紅紅紫紫信方賒。玉闌干外幾枝斜。仙子衣裳原縞素。美人顏色本空花。淡雲流水

證年華。

望江南過京口訪駱佩香
女史率成二首

忘世事。只有杜蘭香。焚得一爐煙未燼。萬帆門外去來忙。吟客鬢都蒼。

淒冷處。招得女生徒。女徒殷姓其姊爲故尙書和琳側室琳死
姊以身殉其妹流落無歸因依佩香以居桃李盛時顏未莫。海山佳處語模糊。猶憶

故尙書。

更生齋詩餘卷二

機聲鐙影詞

蝶戀花題畫

絲雨絲煙湖上道。夢裏年華，深淺誰知道。天上玉梅開過了。又教人世東風早。春事及今偏艸艸。有分披圓月與花枝小。獨立數峯吟句峭。乾坤分半輸懷抱。

鷓鴣天

學畫敲詩興轉闌。更從花裏響銅環。雕籠出語偏生脆。翻遣鸚哥課小蠻。顏冷落。致闌珊。萬重密意總相關。鄰家姊妹邀同坐。說夢先消春晝閒。

點絳脣春病

隔窗紅窗。強將八字排來看。白憐魂斷。欲把他生算。支枕應難。且復憑詩案。誰相伴。喘聲低緩。虧得鸚哥喚。

風入松題春山獨往圖

嶺然一境迥難攀。幾家人住谿灣。疎籬敗壁憑誰補。借亭亭、隔岸青山。小史亂頭粗服。先生雨笠雲衫。

生綃忽破酒人顏。清夢置其閒。谿塘正好營高閣。待他時、風月人還。仲蔚蓬蒿須補，劉安鷄犬都刪。醜奴兒令

海棠小院春深見。一晌難描。千種無聊。容易將人挂眼梢。低徊不解傷春句。一卷離騷。織手難拋。自把蠅頭小字鈔。

紅林擒近

紅錦香猶淺。白開春正長。睡起懶無事。鬢花礙釵梁。春衫攜來早辦。呼小婢、熨沉香。屈指桃菜年光。待畫艇尋芳。麗句傳鸚母。名絲繡雁娘。妝樓無事。鏡邊更展縹緗。算傷春未敢閒愁無據。背人私自瞻海棠。點絳脣送春。

又是春殘。海棠花外游絲亂。淚珠成串。待把年光換。惜別匆匆。鎮倚閒庭院。闌干畔。綠愁紅怨。約略傷春券。

漁家傲

題陳野航畫竹

午餘睡起茶初熟。一竿愛寫玲瓏玉。葉葉枝枝濃淡各。還須屬。三更窗外秋聲莫。娟娟穩稱輕綃薄。圖成好畫闌干角。待得晚涼新雨足。天如沐。月痕倒挂梢頭綠。酒泉子

鶯地行來。一樹好花離地。出雕闌。排玉砌。陟瓊臺。四更玉笛聲三弄。肩上露華堆重。與雲飛。隨月上。逐風回。

探春令

題侍女屏風

晚妝初罷怯春寒。約伴花閒步。正一綰愁來無著處。把十三絃偷訴。玉鐙斜倚林閒路。想個儂丰度。到宵深。霜月空灩。錯認作梅花幾樹。

醉桃源

前題

薰風池閣簾微亞。日暖蒙犀偷卸。行到綠沉窗下。一樹榴花謝。滿樽蒲酒人初暇。結伴消他長夏。采戲又還輸卻。些事關心者。

紅窗聽

前題

一院飛花空白晝。看結束。春弓閒走。隄畔盈盈堆絮厚。襯得鞦韆瘦。簾幕深深垂錦綉。闌干外。總燒金獸。昨宵霜冷。今宵風驟。屈指剛三九。

買陂塘

題錢孝廉謝川鸚鵡戲傳奇

爲多情。青衫血淚。生生判向愁老。冰絃誰把傷心譜。又早別懷繁擾。幽會巧。君不見。茫茫碧落相思鳥。芳心寸拗。待密約重圓。愁盟暗結。一一淚珠繳。銷魂處。我亦青鬢信杳。年來暗損懷抱。江南江北傷春恨。

付與斷腸衰艸。辜負了。是舊日、金釵鈿盒情多少。閒愁待掃。又一兩三聲。無端逗起。清夢隔簾悄。
河濱神迷藏。

游戲共登壇。窄靴小袖衣單。身輕總欲避遮欄。空裏時時指彈。同是曲欄何處躲。慧心先向偏左。女伴盡皆藏過。百忙何苦尋我。

清平樂

楊花恁早。不待春歸了。可惜玉人渾未曉。逗點與他知道。畫長人倦敲詩。畫屏一枕閒支。睡覺數聲欸。黍消他春日遲遲。

點絳脣

花事關心。東風吹到荼蘼架。燕兒多謝。呪得春成夏。不放春歸。斜日簾微亞。秋千下。游絲無賴。又向荷錢恁。

鷓鴣仙

玉鉤響斷。玉簫聲斷。更苦玉人音斷。清明上巳總無聊。欲飛去。晴江南岸。小園春半。小窗月半。尤喜小樓天半。黃鸝紫燕不曾來。只蝶蝶與人作伴。

望江南

幽夢破。斜倚小紅樓。又是卷簾人不見。滿街絲雨。綠暗幾重流。
昭君怨江行。

帶得綠篔簹。笛消受短篷秋月。帆影入江流。小子鷗。目極楚天遙句。潮接海門如線。一點着林梢。是金焦。

減字木蘭花

垂垂一樹。曾見個儂珍重處。已分成陰。頭白蕭郎恐不禁。還憐飛絮。一樣東風飄泊去。郎已沾泥。莫趁流鶯是處飛。

相見歡夢中作。

無端踏卻輕鷗。共清遊。夢裏居然東海向西流。雲中屨。風中蘼。不能收。幸喜天鷄初叫。始回頭。

一叢花

林禽喚我作春遊。煙景逼南州。藍輿卸處幽吟好。尋僧話。又引閒愁。無事銜盃。有山埋骨。此外總悠悠。消沉白了少年頭。青鏡惜風流。江山勝處余歸也。等幾度。白玉成樓。悟徹孤花。彫殘心字。春總不如秋。

青玉案玩月

東風又把細梅染。看靜裏、簾斜捲。追取十年前事轉。亭涼月暗。漏深花滿。兩兩傷春券。如今細雨沿門

糝。幾陣落紅愁欲浣。鐵笛五更吹更慘。任他風雨。任他憔悴。再也無人管。
千秋歲瓶梅

春來心性。花與人同命。香未拆。愁先迸。一枝聊供汝。五夜誰相訊。最好是。百花頭上。懨懨病。書永寒先。
骨冷魂尤勁。花總謝。香難並。幾絲芳意織。一瓣心香永。拚得是。閉門風雨無人省。

買陂塘

邵二雲姚江歸棹圖

黯然歸。一肩行李。春風不遣人住。姚江雙槳悠悠去。去也更休回顧。天意苦。要汝是。名山夜雨成千古。功名射虎。只亘亘平生。才皆中下。李蔡豈君伍。當年事。千佛名經會數。一枝原最高處。衫青袍紫都閑物。惹我酒閒起舞。君莫誤。君尚有。數椽茅屋。秋風浦。萍蹤語汝。恐又引先生。酒闌燈灺。清泪滴殘炷。

天仙子

溪上鷺絲忙報客。玉人遺透春消息。怔忡相送已嫌遲。無可說。祇相憶。門外瀟湖千頃碧。

蝶戀花落梅

白白紅紅開未止。一掬孤標。卽兆飄零始。如此人生剛半世。問年一樣輸餘子。入夜春愁爲剪紙。鬪汝重來。休昧初來旨。多分柔魂猶在水。五更吟斷梅花詠。

又

窗外游絲空復漾。十見花殘。那得人無恙。莫向酒闌矜跌宕。春風已把飛瓊葬。花未開時愁已釀。寄語桃根。春到休輕放。人世有骨還有障。招魂供汝青綾帳。

賣花聲

獨客正思家。到曉啼鴉。灑窗寒雨又如麻。不放南枝開到好。春是些差。客裏事堪嗟。似錦年華。幾人紅泪隔窗紗。燕子平生真恨事。不見梅花。

倦尋芳

寂寞銀闕。怪底瓊妃。賸他數個三五春宵。可許玉階同坐。人說高寒。應讓汝。九重天上還難妥。院風詩只咏到衾綯。被他喚做。也知我。殷勤看爾。駐向樓頭。幾番難過。錦樣連錢。一例被風吹墮。仙掌夜過防暗摘。月盤露冷愁輕。寄新詩。先問汝。點頭也麼。

荷葉杯

病到幾番委頓。誰問。曲闌旁。畫眉頻喚不能住。猜是甚心腸。

蝶戀花

啼處和付則

艸繡平堤花繡樹。如此江南。隻影堪飛度。畢竟塵情猶未悟。雨晴籬角開呼侶。倚樹鷓鴣爭笑汝。三度鶯巢。依舊無家住。幾日酒痕兼墨污。樓頭催澣春袍袴。

前調鷓鴣

莫向天涯棲苦竹。只遇啼鶯。歸計須頻屬。望帝愁魂魂已續。此閒樂亦應思蜀。何事啼聲常傍屋。解喚哥哥。引起春人獨。花到黃陵千度落。這回尙憶詩人谷。

憶秦娥

春時節。春人住處春光別。春光別。膩紅花朵。膩黃新月。濛濛膩綠千條結。樓梯欲上愁三折。愁三折。文

簫聲動。剪刀聲歇。

柳梢青

新柳次高東井詞

向曉層巒將煙做霧。釀雨成寒。鬢綠衫青。眉長眼瘦。子女何干。一枝折了重看。怪徹底春愁總譜。柳宿前身。萍花再世。我亦差堪。

沁園春

題萬黍維持壽握算圖

儒林傳耶。貨殖傳耶。君因併書。嘆百不如人。一籌還展。十嘗九誤。些子都輸。業可拋經。讀宜從律。且把蒼生經濟儲。他年看。看致君事了。更累錙銖。滿盤算了還虛。怕仰屋他年更苦劬。只田從玉局。須求陽羨。家從杜牧。更創吾廬。我謂先生。歸謀之婦。料理牀頭阿堵鋪。先生笑。有五銖七幣。盍往觀乎。

猶得新

難得來。休教到便回。屋頭雙喜鵲。久徘徊。紅窗故咏。墮青梅。勸銜杯。

玉珥墜金環

書永窗虛。嫩寒先把花朝做。幾番凝恨上重樓。樓又教人鎖。長自雨篩風簸。把春陰、當成功課。沉思往事，判盡浮名，換他真個。寂寞深園，小桃也肯留人坐。細拈春夢寫春愁。夢又將人躲。知道枕衾孤臥。算風光、幾曾到我。年華誤盡，到了今番，更教難妥。

東風第一枝桃花

團泪成花。搓煙做骨。商量不道春瘦。幾番醉了重蘇。依然十三時候。前塵誤汝。應一例、向風回首。笑無端、占了珠簾。肯放玉人垂手。只花也、憐人非舊。問此度、探春何後。簸錢堂上重來。不似那時清盞。芳心易逗。算薄命、永供人咒。待拈他、花片緘來。付汝一春消受。

八聲甘州

又西風吹雨上空樓。點點雜更聲。正涼隨雁至。宵同燭水。夢與年更。十二鏡雲何處。江館聽吹笙。多分樓前約。不記啼鴛。一半塵封玉鎖。看碧紗籠處。墨雨縱橫。只燈箋消息。何事苦難憑。想蕭郎、傷春恁遠。料夢魂、逗不上銀屏。須知我、青衫泪濕。不爲浮名。

南鄉子

自愛溪放舟
至青山莊

藥王廟。晏公祠。北關剛值午晴時。三折水程欣已到。都贊好。門外水田門內沼。
花塢曲。月廊周。半塘煙雨幾時收。百步小橋隨鶴過。思久坐。翡翠北軒晴日墮。

長亭怨慢

猛霜風。漸肥郭索。是處橙香薦他黃玉。記得年時。酒徒醉月小樓曲。深盃浮綠。陡地向天公祝。臣願把浮名都付與。蟹螯添足。稻熟。漸燈明深港。糝破一溪寒綠。鱸魚便美。怎占得。九秋名目。第一是。左手須閒。怕明日。故人相速。只紫蛤紅螺。風味幾堪作僕。

金縷曲

寒夜重光霽。看秋海棠。因言前曾于花下。摠得古蠟發之。餘感其事。因併賦之。張益齋梁時宮人云。

燭冷人初醒。正虛廊。角聲吹徹。商聲又警。籬落寒花開自好。露點欲斜。仍整粧。慘淡。玉人微病。不向春園。誇勝事。伴艸根。菜甲三秋永。其下有波如鏡。千年舊事。思量猛。被西風。吹將世換。泪珠紅併。一半齊梁遺蹟在。漠漠土花填井。待說與。古懷誰省。落月微黃。天乍曙。向闌干。逗出銷魂影。重認取。劫灰冷。

玉燭新

窺簾新月小。卻數朶花枝。照人寒峭。新詩寄與。雙環巧。故把幽期漏了。文鴛堆枕。密意取。夜香薰好。又早是。玉漏星星。門前乳鴉啼曉。紅箋付與。殷勤。只此恨平分。幾時堪織。歸期及早。重到也。不是玉簫年少。萍浮絮亂。試逗點與他知道。須記取。錦瑟年華。暗中易老。

鸞啼序詞神武廟後自隙地里人別

丞相祠堂。看古栢、陰陰翠繞。重來處。一瓣名香。空裏晴絲自島。黃石兵營。吾懶讀。青田洞府。愁難到。只先
生志業。今古幾人同調。憑高回首。炎精中燼。天意殊難曉。聞說定軍山下。翠羽靈旗。山昏月黑。鼓聲猶
偪。陰平貽誤。夔門敗踵。滿盤都錯。何須說。更譙周黃皓。知幾早。相隣壯繆遺祠。未了忠心。此時重表。茲
地當年。紫髯虎踞。更周郎年少。柰江山。數著殘棋。着手便教輸了。把荆梁。十郡名區。輸纖履。小兒坐嘯。尙
躊躇。北定中原。南清江島。當途高也。往日紛紛割據。算曹瞞尤狡。匹馬過秦中。早鷄筍全拋。虎鬚重燎。
巾幗謀臣。彈碁胄子。一揮羽扇。愁俱倒。只遺恨。在五原秋艸。十年深計。擬將赤帝關河。重藉手。還高廟。

法駕導引補赤城韓夫人詞

天上樂。天上樂。博戲更藏鈎。怪底燭龍呼不醒。兩九日月覆金甌。螢火照清秋。
雲漠漠。雲漠漠。飛渡赤城梁。摘取列星歸北斗。倒傾銀漢入西江。天闕費平章。
銀漢畔。銀漢畔。織女起高樓。玉作簾衣花作座。海雲爲佩月爲兜。縹緲坐牽牛。
偕勝侶。偕勝侶。仙閣坐虛無。一賦玉樓猶未竟。人閒甲子總模糊。長爪比麻姑。

點絳脣次黃仲則韻

尺五荒墳。小桃一樹傷心艷。寄將花片。沒個人兒便。芳艸多情。引他歸騎尋教遍。模糊見。月殘如線。霧

隱傷春面。

如夢令

簾外日遲風簸。簾內粉消香灑。未慣是櫻筍。輸了更拋金鎖。還我。還我。莫被小鬟猜破。

摸魚兒

清風亭故址

又斜陽晚林一抹。天空飛破歸鳥。危亭覓遍蓬蒿徑。咫尺謝家山到。吟未了。算好景如前好句還輸眺。初三月早。看一縷吟魂。寒鴉爭瘦。逗去碧波小。當年事。此地放歌孤嘯。狂來幾側烏帽。詩名天地成何補。身後一椽誰保。吟愈峭。把長句風前漫博先生笑。思君欲老。怕騎鶴還來。此間亭上。留得醉中艸。

青玉案

過凌敲壘故址

凌敲壘剩荒基也。雨洗石。苔侵瓦。到日短衣尋客話。庚郎年少。衆中爭羨。不醉看盤馬。孤城陡築寒山罅。城裏猶聞暮潮打。休怪客愁容易惹。那邊人語。者邊雁叫。月照荒荒野。

減蘭

閒遊采石。早起披衣看曙色。不敢窺簷。烏鵲兩枝夢正甜。酒衫芒屨。二十男兒工跳躍。一縷吟魂。先向

風前逗早春。

金縷曲

清風亭夢李白

天與人俱老。又何爲。一千年後。此閒憑弔。一半江山歸李白。一半分還謝朓。我到也。祇餘衰艸。畢竟微塵容易盡。覓些須。身後名。纔好。勤打疊。零星釐。青衫百計。供人笑。只悠悠。非公知我。恨和誰告。金粟前身真小劫。墮作五湖年少。有夢也。不離蓬島。猛憶人生何者是。只浮雲。偶寄孤飛鳥。殘夢破。余歸了。

前調

再次注
金潭詞

花是明朝放。只萋萋。滿城芳艸。已供凝望。多病年時誰付與。綠酒紅愁同量。且小立。雨中惆悵。若許爲花。還再世。拉春人。早向春風葬。簾蕊揭。心旌蕩。樓高總伴閒雲上。有當年。鏡盟衫誓。遂悽琴況。可惜韶光都健在。春到也。須微恙。莫輟與。個懷門巷。我比絮泥心更定。背天桃。穩坐青綾帳。塵夢覺。釵鈿響。

前調

蠟屐嫌疎放。任些時。殘紅剩紫。幾曾凝望。廿載可憐青鬢改。江水未勝愁量。春付與。別人惆悵。我慕蠶魚能再死。趁餘香。好伴殘蕞。渾未管。流鶯蕩。聽歌人在青雲上。只年時。招邀勝侶。尙牽游況。杜牧揚州人已換。只有月還無恙。照慘慘。幾家門巷。尺五桃潭三徑艸。瓣心香。供汝青綾帳。添一綫。春潮響。

前調

詞次注
詞潭詞

夢遠金鈴響。正無聊。紅窗睡足。倚帷牽帳。羅襪閒行花露重。頗怯曉風深巷。渾悟到。玉人春恙。薄酒多愁。眼易醒。問樓高。更有何情況。梯隱約。難重上。傷春早怕春飄蕩。把泥金。書成梵字。伴花同葬。一例有情

應解取花也對人惆悵。已開滿十分春量。此度見花應背面。誤人人。簾底三年望。扇來歲。休輕放。

醉花陰

爲孫大和婦
王采薇詞

日午麴塵何處避。斷粉零紅。且自由天地。三十年華愁也未。不回頭負春人意。情到九原須更記。骨冷灰飛。灰冷情還膩。幽夢壓籠魂壓被。醉醒怕沒絲兒氣。

浪淘沙

路遠小樓低。花朵分飛。依然銜恨上重梯。何止舊人尋不見。梁燕都非。愁裏關窗扉。殘月剛西。畫簾風破鏡臺欹。只有曲屏風六扇。猶罩羅衣。

點絳脣

門艸歸來。一窗好夢非無據。筆床茶具。且復安排預。強自支持。鬼病終難愈。誰來覩。藥爐煙畔。只有風飄絮。

憶王孫

山坳池開水邊樓。一雨銀塘便覺秋。長日無人掉小舟。水分流。胡蝶閒來立鴨頭。

青玉案

算來未到銷魂地。偏是識愁滋味。欲寫紅箋珍重寄。隨肩小妹。隨身小婢。多恐難回避。幔垂不放通花

氣又早斜陽把門閉。莫道文窗蹤跡秘。黃鶯紫燕。畫眉百舌。箇箇知人意。

浣溪沙二首

玉腕偏憐金釧寬。風釵頻攢獸煙寒。萬重心事壓闌干。杜牧已留來世約。蕭郎不作路人看。雖然猶覺恨無端。

前調

背面難禁萬種愁。見時無語只凝眸。初陽一綫下簾鉤。百計未能通一語。暫時曾許共扁舟。淚痕和露咽心頭。

傷春怨劍客

匕首飛將過。到處人頭疑墜。日昨詣叢祠。土偶居然離坐。旋空中如磨。電影終難挫。鷲地指晴空。一道采虹中破。

金縷曲

撞窺園從子八年矣。體弱善病。今年予秋試被落。忽爾辭去。念事傷離。不能無作。命沽酒歌此調以送之。

衣薄還如紙。最淒涼。前宵鐙錄。今宵送爾。八載追隨無別事。傷病傷離傷死。總誤爾。朝飢飲水。苦訪蟲魚。

塵案籍。但論才。爾便成佳士。休更作朱門使。無家我共僧居寺。只蕭蕭寒雲丙舍。尙堪南指。入夢總從吾父母。醒處怕逢妻子。況薄命久無人齒。明日出門誰念我。就飄蓬。斷梗商行止。爾去矣。淚流駛。

前調

重九日陶然亭作

車馬長安道。有誰憐。中秋雨暗。重陽花少。尺五閒亭三徑柳。亭徑尙餘秋艸。更難得。紅塵似掃。半舫斜陽新月影。借團蒲。穩夢仙人島。算懷抱。此時好。玉山莫向壘前倒。只空囊。俸錢難假。酒錢輸了。門外鐘聲催客去。衣上薄寒清峭。料理是。舖糟代飽。無數樓臺凝醉眼。訝籬頭。果大星辰小。歸尙有。未棲鳥。

前調

憶得前詞泣不復成此因

暗裏驚聞泣。一聲聲。無端惹我。青衫又濕。多病經旬誰得似。欲共候蟲秋墊。爾似燕。舊巢遠入。典盡衣裳。類擁絮。更同扶。瘦影當風立。渾不怕。霜華襲。八年侍我肩差及。笑囊空。新詩屢付。傭錢未給。費爾一杯村落酒。爲我解除狂習。說月好。今宵初十。樓上三更雲氣淨。看星辰。如豆天如笠。吟正遠。催歸急。

青玉案

十一日同人飲長安酒樓

臨街樓上冷泠語。醪味薄。催添精。一院酒人揮不去。持螯手冷。潑醅顏熱。繞著筵吟句。臨街樓外疎球樹。已覺秋聲落無數。一院酒人招不住。來時天慘。去時月暗。繞著城徒步。

憶秦娥寄季仇

鍾已動。一聲破我長安夢。長安夢。世情未了。髮絲先種。書乍捧。故人遲我華陽洞。華陽洞。丹沙填壑。碧山成家。

浣溪紗

薄暝微醺枕酒瓢。病心一縷逐風搖。夢無來歷入鴉巢。初八夜星還照曉。十三涼月卻終宵。瘦魂尤避

出林岵。

買陂塘送饒公子並莊至江浦

趁霜風。沿林飛徧。巢荒去住無據。雁聲卻有東歸信。切莫更留征羽。淒燕語。道千里同來。千里應同去。霜鴻未許。算我願隨陽。卿尤避熱。各自歎羈旅。天涯路。來日風風雨雨。別離頓起愁緒。江南兄弟誰能健。羨爾雁行有序。須記取。只紫塞重逢。可識前時侶。天空欲舉。穩待爾重來。春風三月。共看滿林絮。

漁家傲

宣武坊前清酒美。多錢約客誰來會。日午闌窗人似海。孤劍在。萬金難買心無愧。畢竟浮名猶可待。少年莫學呈身銳。鼎鼎百年君誤再。棺已蓋。幾時贖取從頭悔。

一萼紅與孝廉克一寓居晉陽庵側因與余頤其齋曰問鐵井係以詞

傍禪關。構閒亭似舫。四面啓疎櫺。十五良宵。一雙人影。三千里外鐘聲。有多少。春人心事。奈秋窗。黃葉已

先零借了蒲團。緜殘梵頁。悟徹鐙檠。我亦能來聽此。只青衫似夢。百倍淒清。苦竹疎蘆。幽花淡艸。此身如在江城。況惹起。寒蟻鳴砌。又丁丁。蓮漏滴殘更。待得蕭齋響寂。人語還生。

摸魚子

賀克一遊遊夕照庵。即與其令弟紫樹歿。

正無衣。壘頭索醉。油車忽引君到。愁中天氣。還如霧。咫尺遠山舒眺。煙柳道。算怕是。逢人只是。逢僧好。無多落照。但挂近禪房。和將夕磬。便有暮雅叫。荆高市。酒人一樣潦倒。塵沙埋盡年少。江干舊侶。今誰在。癸巳秋予與劍潭紫樹同客姑孰。毛宣城始別。可惜龔生竟天。渾未料。看冠蓋如雲。更有閒人用。高原古廟。但肯費茶瓜。時時款客。我輩不須召。

荷葉杯

自夕照庵步至萬柳塘。

三里望中依約。樓角亭館太荒蕪。萬株楊柳一行無。風急戰孤蘆。林際黑歸一片。雅點。隔寺暮鐘聞。寂寥城上去閒雲。雲薄帶斜曛。

小重山

舊日紅闌已作薪。玉蘭花滿樹。曠春裙。經過燕子亦嫌貧。呢喃語。故故入西鄰。寂寞掩重門。小樓三面。晴。易斜曛。屏風吹淨十年塵。中還有。兩小舊啼痕。

謁金門

送張曉升南歸。即歸其長松片石行帳。

歸亦得。卷裏天青雲白。不誤今宵歸計決。誤前時爲客。
屋三間。醒夢適。何止長松片石。七十二峯晴歷。
歷在先生窗隙。

梧桐影

將毛仙遊
沈迷路

馬獨來。南山麓。屋上石樓纔一闌。推門且抱神龕宿。
玉女泉。清無極。雲外木魚聲不停。三更月向東峯
直。

臨江仙

溪山秋
卷子

十里空濛雲外水。水雲光隱。回汀最無人處。小舟行。到來谿館冷。秋燕語分明。
渾異踏青前度至。滿坡
花氣將迎。剩他幾樹綠無情。四更山曙早。紅葉點疎星。

蘇幕遮

木卷子
子禽枯

綠初離。紅乍失。白釀層雲。黃澹初升日。空裏數聲禽語切。似說宵寒。約略明朝雪。
凍絲黏。冰綫結。莫折
高枝。恐有東風出。轉向竹梢深處歇。玲瓏石愛蓬山骨。

臨江仙

蘇州

紅鶴谿山鳥鵲館。金闕從古繁華。三分樓閣二分花。一分留隙地。隨分種桑麻。
海物新奇爭入市。長餐
都厭魚蝦。等閒吳語六時譁。笙歌叢作隊。脂粉瀉成洼。

玉樓春

園空膽小愁無侶。錦幕時時風欲舉。生憎梁燕不歸來。銜得徑泥何處去。三更又是瀟瀟雨。剩得燈光

青幾聚。小樓西畔宵無人。一片落花浮鬼語。

點絳脣

傳粉攤書。硯旁小匣先安鏡。梅花同命。瘦到年時影。小別生疎。問語都愁應。更初定。爲憐春病。偷向床

頭省。

好事近

抱處恍如無。奈小語心尤怯。夢裏有誰知覺。紅上雙雙頰。三更碧月淡紗帷。涼把重衾壓。欲訴二年情

事。和淚開吟篋。

金縷曲

元夕柳子廟道中作

綠鬢遠如舊。又依然、長隄風細。碧空雲嫩。艸艸柴門元夜到。催送斷腸時候。幸濁酒、數杯還設。愁欲成癡。眠轉醒怕相思。一夕人天瘦。欹枕處、淚痕透。樓高往日長垂袖。摘疎枝、殷勤記取。柳邊花右。分半紅窗堆卷軸。多付個濃消受。渾可惜、此生難又。欲倩雪衣爲懺悔。更煩他、百舌聲聲咒。春夢破。月如畫。

霜天曉角

讀天寶遺事

開元政倦無逸園先換。頻到秋來羽扇無多日。賢臣竄。咸曉更相煽。羯奴先兆亂。河北河南皆叛。何須責哥舒翰。

河湟使典宰相居然忝。天子更思康譽。遠應惜無人薦。傳箭出郊甸。馬嵬軍又變。啓營堂開月。偃休專怨。長生殿。

臨江仙

八月十一夜雲
辭晚步有感

猶記石橋橋畔路。死生離別匆匆。綠波搖月去如風。唾痕都作血。岸柳不曾紅。留得一行臨別語。幾生重得相逢。夜臺沒箇寄書鴻。廿年如夢過。來聽渡頭鐘。

減字臨江仙

十二夜步
葛仙橋

十日秋陰情緒減。乍眠卻喜新晴。紅墻千尺月華生。水明燈暗。依約卷簾聲。露口寂寥尋渡少。酒徒多。分飄零。柳絲笑客眼猶青。好天涼夜。祇剩一人行。

烏夜啼

十三夜

水邊門掩重重。海棠紅。不信者般顏色。墮西風。相扶醉。相偎睡。意惺忪。正好一鐙私語。伴秋蟲。中年一種情牽。病懨懨。欲借舊家樓閣。訴當年。黃庭卷。丹爐畔。學飛仙。留得一絲兒恨。未生天。

小冲山

十四夜無月
三更後微雨

一種閒情那得知。乍眠還又起。出門遲。秋鏡替月已多時。三橋走衣袂。雨絲絲。空外影參差。西風吹不
斷。柳絲兒。呢他燕子說相思。還生怕。燕子笑人癡。

滿江紅十五夜坐雨

百事輸人。祇贏得。幾番沉醉。又苦是。宵燈替月。秋霖成歲。說餅齋拋荒徑外。采菱舟冷青溪內。倚闌干。聽
雨到更殘。何曾睡。風轉處。枝枝背。檐漏處。聲聲碎。只無端兜起。舊愁無奈。白玉盤埋雲慘淡。黃金花買
秋憔悴。學蠻牋。題恨寄花前。花垂淚。

人月圓十六日願店橋步月

昨宵細雨沿門糝。深巷掩重扉。繞砌寒蟲。滿廊歸燕。秋思依依。今宵暢好。橋邊樓上。人月雙輝。曉漏將

殘。夜烏啼徹。直自忘歸。

醉太平十七夜庭柱甚開。郭人復有貽秋步野菊者。獨飲偶賦。

葵芳菊芳。蜂忙蝶忙。小庭節近重陽。是秋花總黃。疎枝貼窗。濃陰滿廊。人閒月午清涼。比天邊更香。

金縷曲送店大令燕位之縣任

衣上春雲起。記征程。錢唐到日。好花開矣。兄領三州君作縣。穩稱陸家難弟。只手版也須隨例。昨夢越江
東去好。是紅塵不到。天光賦。官事少。看山未。京華往日曾聯騎。憶匆匆。斜陽古道。柳絲同繫。丁未春。儲君及孫淵

如計借一幅東風吹上了。兩雨金門高第。偏剩得杜陵書記。捉鼻功名知不免。笑他時。我亦神仙吏。輸一。
北上。

著早曾計。
賈陂塘。送莊舍人植三南歸。並寄蔣太守。星仲趙舍人億生莊進士藻琛。

又惜騰。幾番煙月。東風吹過。年少寂寥。三徑尋遊侶。只有阿蒙還小。忘不了。是當日。曾經擲果闌陵道。一官亦好。看衣桁簪花。佩囊囊筆。渾稱此風貌。夷門路。金尊昨日頻倒。天涯尚未生艸。同來恁不同將去。繞亂數旬懷抱。歸正巧。算剪韭烹葵。煮菰。筍都堪飽。寄聲短趙。更瘦蔣風流。癯莊縵藉。相憶令人老。

虞美人。二十夜楊孝廉歌之。招集騰光館看柱。

艸元亭在雲溪北。暇日能邀客。寂寥深院倒金尊。添得幾絲疎雨。易黃昏。廿年前記題詩處。花壓闌干住。故人多半起雲霄。只我閒居尙赴。小山招。

南歌子。古州道中。

似柳應同韻。疑花未解羞。慣拋白足上危樓。喜折連枝果葉。插人頭。生熟居然異。形聲迥不侔。怪來行立總如猴。拗得脆蛇寸寸。啖同遊。生苗有能啖蛇者。

人月圓。院作。黎平試。

蠻中三月春光好。新雨又新晴。纔離豚水。仍盤獅嶺。又抵黎平。昨宵上巳。今辰寒食。來日清明。讓碧成

蒼催紅做綠。有甚心情。

浣溪紗

楊太守席上
看牡丹作

雲作簾衣絮作塵。向前還有幾多春。豔陽天氣說生辰。

圓比十三將望月。嬌如二八上鬟人。晚蘭香味

玉精神。

又杏花。

一响花枝欲上樓。東風先爲揭簾鉤。和煙和露搭床頭。百五時光容易過。十三年紀不知愁。初陽籬落

悄凝眸。

菩薩蠻

淇縣道中贈
譚上舍子受

青泉落處紅雲碎。馬啼亂踏林聲脆。十里繞淇泉。愁無青竹竿。遲行雖數里。已覺險聲起。知我欲回車。

來朝度曲徐。

桂殿秋

飯已熟。忽呼茶。滿盤堆得雨前芽。蠶杯到手復揮去。獨自開簾看杏華。

三字令

天上月。枕邊來。似追陪。香一盒。貯玫瑰。襯珠蘭。和玉蕊。豎旁堆。羅幕外。燕疑猜。蝶徘徊。鐘已歇。漏仍催。

婢臃。窗隙報。措違開。

更生齋詩餘卷二

一三四九

